

(3) *Non lo podrian fazer.* Vide l. 17. tit. 4. lib. 6. *Ordin Regal.* et adde in materia l. 34. tit. 18. 3. *Partit.* et l. 10. *ejusdem titul.* et vide notabile dictum Bald. *de pace Constant.* in verbo *amplius consueverunt*, ubi dicit, quod neque per contractum, neque alio modo potest Princeps regalia concedere in præjudicium successorum, et sicut non potest jura eorum subvertere, ita neque minuere; et quod hoc procedat etiam in minima alienatione regalium, tenet Socin. 3. vol. consil. 7. vers. *aliquando, et tertio*: et nota multum istud verbum, *non lo podrian fazer.*

LEY V.—De quales cosas deuen dar su derecho al Rey, de lo que ganaren en las guerras.

Quinto (1) touieron por derecho los Antiguos, que diessen al Rey de todas las cosas muebles, que los omes ganassen en las guerras, de qual manera quier que fuessen, bivas, o muertas. E pusieron aun, que quando el Rey venciesse batalla, que ouiesse el Cabdillo mayor (2) de la otra parte, que fuesse y preso, con sus mugeres, vna o mas, segund de qual Ley fuere; con sus hijos, si los y traxere; e con los omes, que señaladamente fuessen para su seruicio de cada dia; e con todas las otras cosas muebles, que y fuessen falladas, que pertenesciesen a el mismo. Otrouero deue auer las Villas (3), e los Castillos, e las Fortalezas, en qual manera quier que las ganen; e las casas honrradas de los Reyes; e do Rey non ouiesse, las de los omes mas honrrados, que fuessen en aquellos lugares que ganassen. E esso mesmo dezimos de los nauios, que ouiesse tomado de los enemigos. E aun touieron por bien, que todo preso, que sacassen del almoneda por mil marauedis, o dende arriba, que lo ouiesse el Rey, dando por el cient marauedis; e aun otro qualquier, maguer non valiesse tanto, podiendo el Rey auer (4) por el Villa, o Castillo, o otra Fortaleza, o rescibir tal seruicio por el, que acabasse su fecho. E esto deue ser dando por el aquello que valiesse. E esto sobredicho non se entiende tan solamente, de la ganancia que fiziessen, quando el Rey venciesse batalla; mas aun si lo ganassen en fazienda, o en lid, o en caualgada, o en torneo, o en espolonada, o en algara, o en celada, o entrando Villa, o Castillo por fuerza, o por furto, o nauios de los enemigos, por mar, o por tierra, o en otra manera qualquier que pudiesse ser de guerra: si por auentura el Rey non se acertasse en aquel fecho, en que ouiesse auido algunas ganancias de estas sobredichas, el Cabdillo mayor, que fuesse en su lugar, las deue recabdar por el, auiendo mandado del señaladamente (5), que lo fiziessse. E aun touieron por bien, que si el Rey diessse talegas, o alguno otro que estouiesse en su lugar, a los que fuessen en las caualgadas, de todo lo que ganassen, diessse a su Rey la meytad (6). E si algun Rico ome (7) que touiesse tierra del (8), embiasse sus caualleros en caualgada, dandoles el Señor talegas para yr en ella, e rescibiendo ellos del Rey su despensa (9) para cada dia, touieron por bien, que de aquello que ganassen, que diessen al Rico ome su meytad, porque eran sus vassallos, e mouieron con sus talegas. E el deue dar al Rey, la meytad de todo lo que de ellos rescibiere, porque del rescibio aquello que complo a ellos.

LEY V.—Si Rex vicerit prælium, debet ei dari Dux major exercitus hostium, si captus ibi fuerit, cum suis mulieribus una vel plu-

ribus, et cum suis filiis, si ibi adfuerint, et cum hominibus suis seruitoribus quotidianis, et cum rebus suis mobilibus: pertinent etiam Regi villæ, et castra, et fortalitia ab hostibus capta, et domus regie si ibi sint, alias domus virorum honorabiliorum talium castrorum, seu locorum captorum. Item Regi pertinent navigia ab hostibus capta: item si capti in bello vendantur in subhastatione, licet Regi aliquem ex eis, qui venditus fuerit mille morapetinis, vel pluris, procentum: et etiam alium non tantum valentem si ob id Rex habere possit villam, aut castrum, vel castellum, vel aliud insigne seruitium conferens ad victoriam consumandam, licet Regi eum accipere pro justo valore: et si Rex bello non intersit, Dux belli hæc recuperavit pro Rege, si ad id habuerit speciale mandatum: prædicta procedunt in quæsitis quocumque genere belli: et si Rex dedit victualia euntibus in cabalgata, medietas prædæ erit Regis; si verò aliquis Baro, terram a Rege habens, dedit suis victualia, medietas prædæ erit sua, de qua æqualiter cum Rege partietur. Hoc dicit.

(1) *Quinto.* Vide cap. *ius militare*, in fin. 1. dist. 1. *El cabdillo mayor.* Vide l. 8. infra; eod. ibi *el Rey de la otra parte.*

(2) *Las villas.* Vide l. 8. *si captivus*, §. *verum est*, ff. *de captiv.* et quod habetur in l. 8. infra eod. et l. 19. et adde l. fin. tit. 18. supra, ead. *Partit.* et l. 19. incipit: *Las cosas*, tit. 28. 3. *Part.* quam vide, et in l. *in agris*, ff. *de acquir. rer. domin.* et l. *Divus*, ff. *de jure fisci.*

(3) *Podiendo el Rey auer.* Adde l. *serui*, C. *pro quibus caus. serui præmium libert. accip.* et adde l. 31. et ibi addita, tit. 18. 3. *Partit.* et videtur, quod ista clausula, *podiendo*, etc. referatur ad superius etiam dictum, cum seruis valet mille morapetinos, vel ultra, et quod aliis non liceret, et nimirum si hæc taxa in præcedenti casu ponatur favore Regis, et regni, argum. l. 1. C. *de comm. serv. manumis.*

(4) *Señaladamente.* Exigit ergo ad hoc speciale mandatum.

(5) *A su Rey la meytad.* Probatur hic, quod si bellum fiat sumptu Regis, debeat Rex habere medietatem eorum, que acquisita fuerunt in bello; facit ad legem Fori applicantem medietatem lucri quæsiti in bello, uxori.

(6) *Rico ome.* Quid sit iste habes in l. 10. tit. 23. 3. *Part.*

(7) *Tierra del.* Quid sit hoc, declaratur in l. 2. tit. 26. 4. *Part.*

(8) *Rescibiendo ellos del Rey su despensa.* Id est, quia Rex dat ei redditus pro ejus sustentatione ad vitam, ut in dict. l. 2. tit. 26. 4. *Part.* vel dic, quod Rex dabat salarium, seu victualia diurna euntibus de terra Baronis, seu dabat tot redditus Baroni, quod ad ista sufficerent: et ad hoc tendit finis hujus legis.

LEY VI.—En que manera deuen dar al Rey su derecho, de lo que ganaren en las guerras.

Departimiento fizieron los Antiguos, en que manera deuen dar los omes al Rey estos derechos, que diximos, de lo que ganassen en la guerra. E pussieron assi: que quando el Rey venciesse batalla, que esto non podria ser a menos de se acertar el mismo en ella, que le diessen el quinto de todas las cosas muebles, que ganassen, ante que sacassen ende las enchas, nin fiziessen otra particion, nin metiessen ninguna cosa en almoneda. E este quinto se deue dar en esta manera, vno de cinco. E si algunos ouiesse tomado presos, o alguna de las otras cosas mayores, que le pertenescen por razon de honrra, assi como ya diximos (1), si non gelo leuassen luego que lo ouiesse tomado, o lo diessen al ome que estouiesse en su lugar, para recabdar por el aquellas cosas; deuen auer tal pena, como aquellos que non conoscen los derechos que deuen fazer, nin entienden las razones, por que conuiene que las fagan, nin saben la manera, en que lo deuen guardar. E porende, la pena que estos atales deuen auer en los cuerpos, e en el auer, ha de ser segun el Rey fallare por su Consejo, catando todas las cosas, que fueren tomadas, e los omes que lo fizieren, e el tiempo, e el

lugar en que fuere fecho. Pero si fuere batalla en que el Rey non se acertasse de su cuerpo (2), e la venciesse los suyos, deuen sacar primeramente las enchas, para reazer los daños que ouiesse recibidos, e lo que ouiesse de auer las guardas (3) que guardassen la presa, que non se perdiessse, nin la furtassen; otrouero las escuchas, e las atalayas que fuessen puestas, para guardar la hueste, o la caualgada; despues de todo esto, han de dar al Rey su quinto, de lo que fuere vendido (4) en el almoneda. Mas esto non se entiende de las cosas mayores, que pertenescen a el mismo por razon de honrra, assi como de suso diximos (5). Ca esto non se deue almonedar, mas hanlas a dar al Rey, los que las tomaren, e el fazerles gualardon por ello, segun entendiere que conuiene. Esso mismo dezimos, de lo que fuesse ganado en fazienda, o en lid, o en caualgada, do andouiesse algun Cabdillo por su mandado.

LEY VI.—Cum Rex præsens fuerit in prælio, ante aliquam emendarum deductionem, debet habere quintam prædæ; si verò absit, prius deducuntur emendæ damnicorum, et salaria custodientium prædam, et auscultarum, et speculatarum, et de residuo Rex habebit quintam partem pretii resultantis ex subhastatione, exceptis tamen semper, quæ Regi soli competunt, de quibus in lege præcedenti, quæ statim Regi non restituens, ejus arbitrio puniatur. Hoc dicit.

(1) *Diximos.* Suprà l. proxim.

(2) *De su cuerpo.* Neque exercitus exiret de loco in quo erat Rex, ut in l. sequenti, quam vide.

(3) *Las guardas.* Et sic deductis expensis in isto casu habebit Rex quintum; in casu verò præcedenti, quando Rex interfuit bello, vult, quod neque istæ impense deducantur; quod non crederem, cum nullus casus sit, qui hoc genus deductionis impediatur, l. *fundus qui*, D. *famil. ercis.* et in casu præcedenti tantum fuit dictum de emendis, non verò de istis sumptibus, sine quibus ista luera non possent haberi: in contrarium tamen facit l. *infra proxim.* in princ. ibi: *e todas las otras cosas que pertenescen a fuero de caualgada.*

(4) *Que fuere vendido.* Et sic quintum pretii redacti ex venditione, non ipsas res, prout in casu præcedenti.

(5) *Diximos.* Suprà ead. l. 5.

LEY VII.—En que manera deue dar quinto al Rey la caualgada, quando sale del lugar do es el Rey, o de otras partes.

Saliendo la caualgada del lugar do el Rey fuesse, deuenle dar el quinto primeramente, por honrra del, e de si, pagar las enchas, e todas las otras cosas, que pertenescen a fuero de caualgada, segund adelante diremos (1). Mas si saliesse del lugar do el non fuesse, deuen primeramente pagar todas estas cosas, que de suso diximos, e despues el quinto. Otrouero dezimos, que la riedrocaualgada, que saliesse de algun lugar, e ante que tornasse a el, viniessse a otro do estouiere el Rey, que y el deuen dar el quinto, ante que otra cosa den, nin partan. Otrouero touieron por bien los Antiguos que fizieron el Fuero de España, que quando alguno fuesse vassallo del Rey, o mouiesse de su tierra, o fiziessse alguno de los vencimientos sobredichos, en lugar que le pertenesciesse por razon de su conquista (2), o se acogiesse (3) alguno de los lugares de su Señorío, con la ganancia que fiziessse. Ca por qualquier destas razones, es tenuto de dar al Rey el quinto, e todas las cosas mayores, que dichas son, que deue auer por honrra. E aun dixeron mas los Antiguos sobre esta razon; que si aquel que venciesse, o acabasse algund

fecho grande de armas, fuesse vassallo, o natural de vn Rey, e viniessse a tierra de otro, e ante que se tornasse suyo (4) de aquel en cuyo Reyno entrasse, mouiesse para yr a fazer alguno destes fechos que de suso diximos, e tomasse talegas de su tierra; que le deue dar el quinto de todo lo que ganare, por razon del Señorío (5), donde mouiesse, e de las talegas, que dende ouiesse sacadas.

LEY VII.—Si de loco ubi Rex est, homines exeant causa prædæ, datur Regi quinta pars, absque emendarum et aliorum, quæ ad forum cabalcatae pertinent, deductione; si verò exeant de loco, ubi non est Rex, deducuntur emendæ, et alia de quibus supra l. proxima. Item si cum præda revertantur in locum, ubi Rex est, debetur Regi quinta ante aliam deductionem, et vassallus Regis, si cum victualibus in terra Domini receptis, prædam habeat ex aliquo loco ad conquestam Domini pertinente, vel cum præda se recipiat in aliquo loco sui domini, debet dare quintam Regi domino, et alia majora, de quibus supra; si autem moueret se naturalis unius regni ex terra alterius Regis, ad quem se contulit cum victualibus inde receptis antequam ejus se faceret vassallum, debet dare quintam illi Regi, ex cujus terra movit, et victualia habuit. Hoc dicit.

(1) *Diremos.* Vide infra l. 10. et 11. cum sequent.

(2) *De su conquista.* Vide l. fin. tit. 18. et que ibi dixi, supra ead. *Partit.*

(3) *Se acogiesse.* Nota hoc, et facit ad eos, qui timore hostium se recipiant cum mercibus suis in aliquem locum regni, quod debeant solvere gabellas; sed vide l. *Cæsar*, D. *de publican.*

(4) *E ante que se tornasse suyo.* Si et iste neque acciperet victualia de ejus regno, ut infra subjicit, tota præda esset capientis, vide Gloss. in cap. *dicat aliquis*, 25. quæst. 3. et Genes. cap. 14.

(5) *Del Señorío.* Limita ut in l. fin. tit. 18. supra ead. *Partit.*

LEY VIII.—De quales cosas, que son ganadas en las guerras, non deuen dar derecho al Rey.

Ganancias fazen los omes en las guerras de muchas cosas, de que non deuen dar derecho al Rey, assi como lo que ganan en torneo (1), que deue ser todo suyo del que lo ganare. Fuera ende, si fuere y preso tal ome, por que el Rey pudiesse acabar su fecho. Pero este deuelo auer el Rey, dando buen galardon a los que gelo diessen. E esso mismo dezimos, de lo que ganen en el espolonada (2), seyendo fecha por mandado del Cabdillo. Otrouero de lo que fuesse ganado en apellido, yendo en pos de los enemigos, si les tirassen lo que leuassen, non auiendo trasnochado (3) en su poder; nin otrouero de los que se redimiesse a rescate, vno de otro, fueras si fuesse y preso Cabdillo, segund diximos (4); nin de aquellas cosas, que les el quitare por su preuilegio, en que nombrasse cada una por si; sin las otras que les el otorgasse por su palabra, segund la postura que ouieren fecho entre si, prometiendo de dar algo por Dios, o para sacar catiuos, o para fazer algund otro bien, que les torna en pro de su fecho. E esso mismo dezimos, de lo que ganassen en hueste, o en caualgada, o en otra manera qualquier de guerra, en que les otorgasse el Rey por su palabra, que fuesse real la ganancia que en aquel fecho fiziessen. E esta palabra, como quier que se entendiesse sobre todas las cosas que pertenescen al Rey e al Reyno, quanto en el fecho de guerra ha su entendimiento apartado, ca en este lugar tanto demuestra, como si el Rey mismo dixesse, que todas las cosas muebles (5), que cada vno y ganasse, que fuessen suyas quitamente. E esta palabra non la puede otro de-

zir, sino el Rey (6) mismo por su boca, o por carta en que lo mandasse, o si dixesse a otro, que lo pudiesse dezir por el. E aun sin todas estas cosas que dicho auemos, pueden los omes fazer otras ganancias, de que non deuen dar derecho al Rey, assi como quando entrassen los enémigos por su tierra, a darles batalla, e los venciesen. Ca estonce, lo que cada uno ganasse, deue ser suyo, sino tan solamente el Rey de la otra parte, si fuesse y presso, ca este el Rey lo deue auer, e dar gran gualardon (7) por el. Otrosi, quando acaesciesse, que alguno catiuassen en qual manera quier de guerra, e los otros de la caualgada diessen por el algund catiuo, de los que ellos traxessen presos, o dineros para comprarlo; de tal catiuo, nin de los marauedis quel diessen, de que lo comprassen, non deuen dar al Rey quinto, nin diezmo, nin otro derecho ninguno. Otras ganancias ay, de que non deuen los omes dar derechos al Rey; assi como de aquello que ganan las atalayas, e las escuchas, e los barruntes, e los que van a tomar lengua de los enemigos. Ca lo que cada vno destes ganare (8) faziendo su oficio, non deue dar quinto dello, nin derecho alguno.

LEX VIII.—Ex acquisitis in torneamento facto iuxta formam l. 18. infra eod. non debetur jus aliquod Regi; nisi forte capiatur ibi aliquis hostis, cum quo Rex possit finem belli facere; tunc tamen dabit Rex bonum cambium capientibus. Item neque de acquisitis in spolonata jussu ducis facta, nec de captis ab hostibus per exeuntes contra eos ad tollendam eis prædam, antequam cum ea pernoctaverint, neque de hominibus redemptis pro aliis; neque debetur etiam de his, quæ Rex per suum privilegium concesserit, vel ejus verbo, neque de his quæ polliciti sunt voto ob redemptionem captivorum, vel alias pias causas, ut daret sibi Deus victoriam; et si verba Regis sunt generalia ad concessionem juris sui, intelliguntur tamen et restringuntur ad mobilia, quæ ab hostibus caperentur, neque talis concessio fieri potest ab alio, quam à Rege, nisi de ejus speciali mandato. Item neque debetur quinta Regi, si hostibus regni regnum intransitibus, regnicolæ eos vincant, eorumque bona capiant; si tamen Rex inimicus ibi capiatur, dandus est Regi, qui dabit præmium capientibus; nec etiam debetur de acquisitis per excubias, et exploratores in officii sui executione. Hoc dicit.

- (1) *Lo que ganan en torneo.* Adde infra eod. l. 18.
 (2) *Esplonada.* Quæ sit ista vide in l. 27. tit. 25. supra ead. *Partit.*
 (3) *Trasnochado.* Vide in l. 26. infra eod.
 (4) *Diximos.* Suprà eod. l. 5.
 (5) *Las cosas muebles.* Non ergò intelligitur de castris et villis, de quibus supra in l. 5. quantumcumque larga esset concessio; et nota bene istam legem, non enim in generali concessione veniunt Regalia, nisi specialiter concedantur in cap. unic. *quæ sint Regal.* et castra et villæ sunt regni, ut in l. 1. tit. 18. supra ead. *Partit.* et in l. 1. tit. 19. ead. *Part.*
 (6) *Sino el Rey.* Nota hoc, quòd licet larga potestas detur à Rege duci belli, non comprehenditur in generali concessione, quòd possit dare campum francum à quinta, seu aliis, quæ ex acquisitis in bello debentur Regi.
 (7) *Gualardon.* Nota hoc, quòd debetur præmium à Rege capienti Regem hostem: et ita factum fuit temporibus nostris, quando captus fuit Franciscus Rex Francorum, apud Papiam, et magnum debet esse tale præmium, nam si ob capturam ducis exercitus hostilis, datur privilegium generositatis, ut infra tit. prox. l. 6. à fortiori, si ipse Rex hostis capiatur, debet magnum præmium dari capienti.
 (8) *Ganare.* Adde l. 11. infra eod. ibi: *e sin todo esto.*

LEY IX.—Como se deue fazer la particion, de manera que aya su derecho cada vno.

Dadas al Rey todas las cosas que le pertenescen, segund diximos en las leyes (1), ante desta, lo al, que

fiucare, deue ser partido entre los otros, de manera que cada vno aya lo que le conuiene (2). E esto por tres razones. La primera, porque fizieron esfuercio en ganarlo. La segunda, porque fizieron lealtad en guardarlo. La tercera, porque fueron sesudos en ampararlo. E por ende los Antiguos de España pusieron, que sin aquel derecho, que cada vno deue auer en su parte de la ganancia que fiziessen, que han primeramente de auer emienda, e enchas, de los daños que ouiesen recebido, assi como de suso es dicho en el titulo (3) que fabla en esta razon. E a esto se mouieron por dos razones. La primera, por piedad, doliendose de los males que los omes ouiesen priso. La segunda, por darles gualardon del bien que ouiesen fecho.

LEX IX.—Deductis his quæ ex præda competunt Regi, reliquum ex præda inter milites dividetur. Hoc dicit.

- (1) *En las leyes.* Suprà eod. l. 4. et 5.
 (2) *Lo que le conuiene.* Pro personarum qualitatibus, et laboribus, ut in cap. *jus militare*, l. 1. dist. et in cap. *dicit aliquis*, quest. 5. et notat Bart. in l. *si quid in bello*, ff. *de captiv.* vide l. 19. et 20. infra eod. et l. 27. et 28. et limita, ut in casu l. 5. tit. 28. infra ead. *Partit.* et etiam in casu l. 6. ejusd. tit. et l. 8.
 (3) *En el titulo.* Suprà ead. *Partit.* tit. 23.

LEY X.—Como las Atalayas, e las Escuchas deuen fazer su oficio, e auer parte de todo lo que ganaren.

Atalayas son llamados aquellos omes, que son puestos para guardar las huestes de dia, veyendo los enemigos de lexos, si vinieren; de guisa que puedan apercebir a los suyos, que se guarden, de manera que non reciban daño; e estos hanlo de fazer paladinamente: mas otros y a, que an de atalayar en escuso, de manera que non parezcan, e por ende son llamados Escusanos. E esta es manera de guerra, que tiene muy grand pro. Ca por y saben, sin mostrarse, quantos son los enemigos, que van, o vienen, e en que manera. E esso mismo dezimos de las escuchas que son guardas para de noche. Ca lo que fazen las atalayas por vista, esso han ellos de fazer por oyda. E como quier que sea mucho peligroso el oficio de las atalayas, porque han todo el dia estar catando a cada parte que es menester, que es cosa graue, e muy enojosa; e sin esto, que han de sofrir la lazaria de los tiempos, quanto fuertes quier que sean; muy mas lo es de las escuchas, ca estos han de guardar a si mismos, e los otros con quien son. E auiene muchas vegadas, que si non lo saben bien fazer, que los prenden, o los matan los enemigos, e son los de su parte por ende desbaratados. E porque destes atales es su oficio muy peligroso, que los han de matar, si lo non fiziessen como conuiene, por ende deuen ante ser pagados primero, ante que la particion se haga; e sin aquello (1) que les deuan dar, segun la postura que con ellos ouiesen fecho, ha de ser suyo todo lo que ellos ouieren a mano, en quanto fizieren su oficio (2).

- (1) *Sin aquello.* Innuit, et quòd istis exploratoribus danda sit pars eorum, quæ capiuntur in bello, sicut et cæteris, ut supra l. prox. Sicut et datur his, qui manent ad seruidas sarcinas, ut in lib. 1. *Regum*, cap. 30.
 (2) *Su oficio.* Vide l. sequent.

LEY XI.—Como los Barruntes, e los que fueren a tomar lengua, deuen auer parte de lo que ganaren los otros.

Barruntes son llamados aquellos omes, que andan con los enemigos, e saben su fecho dellos, porque aperceben a aquellos que los embian, que se puedan guardar, de manera que les sepan fazer daño, e non lo resciban. E estos deuen catar sabiduria, e arte, para saber verdaderamente fecho de los enemigos, porque a los suyos puedan dar certidumbre dellos. Ca esta es cosa que conuiene mucho a los que son en guerra. E otros ay, que van a tomar lengua. E esto es, quando los omes quieren yr en hueste, o en caualgada, e non saben fecho de los enemigos ciertamente, e embian a algunos omes, que tomen ome, o muger, el primero que fallaren, porque puedan auer sabiduria dellos. E como quier que tambien los barruntes que diximos, como estos, es su oficio de dar sabiduria de los enemigos a los suyos, con todo esso ay departamento entre ellos. Ca los barruntes lo han a dar por si; e los otros, por aquellos que prendieren. E porque esto non se puede fazer sin grand peligro, pusieron los Antiguos, que fuessen pagados de lo que con ellos ouiesen puesto, ante que la particion fiziessen. E sin todo esto, lo que ganassen, yendo a aquel fecho, deue ser suyo quitamente. Ca derecho es, que assi como quando esto non fiziessen lealmente, deuen rescebir muerte por ello; otrosi es muy guisado, que ayan buen gualardon, quando bien lo fiziessen.

LEGES X ET XI.—Salaria speculatorum, et excubiarum, et exploratorum deducuntur ante divisionem prædæ, propter maxima istorum pericula, nam et capitaliter puniuntur, si in officio malè se gerant. Hoc dicit, cum lege sequenti.

LEY XII.—Que deuen fazer los Quadrilleros, e los Guardas de lo que se gana en las guerras.

Guardadores deuen ser puestos en las huestes, o en las caualgadas, para guardar todas las cosas que y ganaren de los enemigos, que non se pierdan, nin las roben, nin las furten. E destes deuen escoger, que sean atales que lo sepan fazer lealmente, faziendoles jurar primero, que lo guarden bien, e que non fagan en ello engaño, por cobdicia que ayan. E porque han de guardar estas cosas, por esso los llaman Guardadores. E como quier que ellos esto han de fazer, e se torna en grand pro de los que la ganancia fizieron, tanto es el trabajo que en ello lleuan, que touieren por bien los antiguos, que antes fuessen pagados que la particion fiziessen. E otros Oficiales y a, que llaman Quadrilleros; e estos han de ser tomados, faziendo quatro partes de la hueste, o de la caualgada, e escogendo de cada quatro (1) vn bueno, que sea atal que sepa temer a Dios, e auer en si verguença. E sin todo esto touieron por bien los Antiguos, que cada vno de estos quadrilleros ouiesse en si tres cosas. La primera, que fuessen leales. La segunda, que fuessen de buen entendimiento. La tercera, sofridos. Ca la lealtad los guardara, que non les faga la cobdicia errar. E el buen entendimiento les fara dar a cada vno su derecho. E la sufrença, que non se ensañen, nin se quexen, por las muchas razones, e de muchas guisas, que los omes

desmesuradamente dixessen. E por esto son llamados Quadrilleros, porque cada vno dellos ha de saber las enchas que caen en los de su quadrilla, quanto es, segund aquella parte que han de auer de lo que fuere. E por ende han de tomar la jura dellos, luego que los ouieren escogido, que estas cosas sobredichas fagan bien, e lealmente. E porque el oficio destes, e de los guardadores, que diximos, es trabajoso, por ende deuen ser pagados de aquello que les prometieron, en ante que la particion se faga. E si alguno dellos errasse, faziendo a sabiendas furto, o engaño en su oficio, deuelo pechar tresdoblado (2). E esto, de guisa que la particion non sea embargada por ello. E si non ouiere de que lo pechar, deuenle matar (3), como a ome que faze falsedad, contra aquellos que se fian en el (4).

LEY XII.—Salaria custodientium prædam, et quaternorum, qui deputantur ad æstimationem damnorum, ut damnificatis emendentur, deducuntur ante divisionem prædæ, et si isti in officio delinquant, furtum aut dolum committendo pœna tripli puniantur, et si non habeant, unde solvant, occiduntur. Hoc dicit.

- (1) *Quatro.* Id est, de quolibet quarterio.
 (2) *Tresdoblado.* Id est, triplicato, et in triplo inest simplum.
 (3) *Deuenle matar.* Pœna gravis in defectum pecuniariæ.
 (4) *Que se fian en el.* Nota hoc verbum.

LEY XIII.—Como deuen ser pagados los Oficiales, quando non pusieron cierta cosa que les den.

Contesce algunas vegadas, que los que van en hueste, o en caualgada, olvidandoseles, non ponen cosa cierta que den a los atalayadores, nin a las escuchas, nin a los barruntes, nin a los que van tomar lengua, nin a las guardas, nin a los quadrilleros. E por tirar contienda que podria acaescer sobre esta razon, touieron por bien los Antiguos, que quando esto acaesciesse, que los de la caualgada escogiessen otros en que de fiasen, que fuessen buenos, e fuessen atales, que ouiesesen en si las tres cosas, que diximos en la ley ante desta, de los quadrilleros. E por esto deuen ser tres, o cinco (1), porque si desacuerdo acaesciesse entre ellos, en lo que acordaren los mas de aquellos, vala: e luego que los ouieren escogido, deuenles tomar la jura, que fagan esto bien e lealmente. E de que esto ouieren fecho, lo que ellos mandaren que les den, deue valer, tambien como si todos lo ouiesesen puesto comunamente. E el que lo contrallesse, o non quisiesse por ello estar, deue auer tal pena, como quien desdize (2) juyzio de Señor, o mandamiento de Cabdillo.

LEX XIII.—Si non præcessit conventio certa circa salaria speculatorum, excubiarum, exploratorum, custodum prædæ, et quaternorum, eliguntur tres, aut quinque probi viri de exercitu ad taxam salarii, et eorum taxationi statuitur, perinde ac si à principio de tali salario conventio facta esset. Hoc dicit.

- (1) *Tres, o cinco.* Nota ad electionem arbitratorum, ut fiat de impari numero propter naturalem ad dissentendum hominum facilitatem.
 (2) *Como quien desdize.* Sed quæ pœna erit ista, vide l. penult. tit. 28. infra ead. *Partit.*

LEY XIV.—Como deuen partir lo que ganaren en la lid.

Fazienda, o lid, acaesciendo que alguno la vença deue guardar que non le roben el campo, fasta que tor-

me el alcance, assi como y dize en la ley (1) que fabla de la batalla que el Rey vence. E el que de otra guisa lo fiziesse, deve auer tal pena como y dize; mas despues que ouieren vencido los enemigos, todo lo que ganaren deve ser ayuntado, por las razones que en esta ley son dichas. E si el Cabdillo que ouiere, fuere Señor por naturaleza de linaje, o por heredamiento, maguer que non sea Rey, deuenle dar el septimo de lo que ganaren. Mas si lo fuesse por naturaleza de buen fecho (2), o si lo ouiessem ellos de su voluntad escogido por Cabdillo, a este atal hanle de dar el diezmo. Ca los Antiguos non tuuieron por bien, que otro ome ouiesse el quinto, si non el Rey, o a quien el lo diesse, assi como es dicho en la ley que fabla en esta razon. E esto dezimos, si el Cabdillo, o el Señor saliesse de su heredad (3), o de otra que non sea del Rey, quando fuere a aquella fazienda; mas si saliere de tierra del Rey, o por su mandado (4), por alguna destas cosas que diximos, estonce deuen dar al Rey su quinto de todo lo que ganaren, segund de suso diximos.

LEY XIV.—Soli Regi debetur quinta prædæ, si tamen dominus inferior à Rege de terra sua, vel alia, quæ non sit Regis, exiens prædam ab hostibus capiat, septima pars prædæ debetur ei: dominus autem ratione fendi seu Dux electus habebit decimam: si tamen isti à terra Regis exeant ad prædam, vel de ejus mandato, quinta dabitur Regi. Hoc dicit.

(1) En la ley. Supra eod. l. 1. vide Bart. in l. si quid in bello, D. de capt. et Bald. in l. si quis pro redemptione, C. de donat. vide supra l. 9.

(2) De buen fecho. Id est, quia vassalli ratione fendi eum sequuntur.

(3) Saliesse de su heredad. Non ergo debet habere septimam partem, quando exiit de terra Regis, seu ejus mandato; sed an procedet hoc, quod dixit, etsi exeat de hæreditate sua, quæ tamen est in territorio regni? Videtur dicendum, quod sic, propter sumptus et victualia, quæ inde extrahit, et facit: nota bene.

(4) O por su mandado. Si enim exeat ad bellum de mandato Regis, etsi exeat de hæreditate sua, adhuc debetur quintum Regi.

LEY XV.—Como non deuen robar el campo, de las cosas que y ganaren.

Robar non deuen los de la hueste el campo, de que vencidos ouieren los enemigos en batalla, nin fazienda, nin en lid. E esto pusieron los Antiguos, porque non perdiessen las cosas que y ganassen, e pudiessen venir mejor a particion: e non tan solamente lo pusieron en el dia que fuere vencido, mas aun fasta tres dias despues; e que a aquel lugar llegassen las cosas biuas, e las otras que ay fincassen. E qualquier que ouiesse tomado algunas dellas, si gelas conosciessen fasta este plazo sobredicho, que las tomassen do quier que fuesen falladas, e gelas fiziesen pechar (1) con el doblo. Pero esto se entiende, si los que este fecho fiziessem, non ouiessem alguna excusa derecha, porque non podieran fazer la particion en este plazo (2) sobredicho. Mas si por auentura acaesciesse que tornassen los enemigos al campo, e venciesse a aquellos que primeramente fueran vencedores, de manera que los echassen ende, e llevandolos vencidos, sobreuiniessen otros, que cobrasen lo que ellos ouiessem perdido; estos que la postrimera vegada ouiessem vencido los enemigos, deuen auer toda la ganancia, que los otros desampara-

ron en el campo, quando fueron vencidos, e non son tenudos de les dar dello parte, por razon de la primera ganancia que fizieron. E esto es, porque ellos lo ganaron de nueuo, e los otros lo auian perdido; fueras ende, si aquellos que los vencieron la primera vez, tornassen en ayuda de los otros que los vencieron la segunda, ca estonce deuen auer su parte, por razon de la ayuda que les fizieron. Pero si aquellos que vencieron los enemigos la primera vez, non quisiessen seguir el alcance, e viniessen otros algunos de otra parte, e desbaratassen a los que fuessen fuyendo; aquellos que estonce les desbaratassen, deuen auer la ganancia, e non han a dar parte a los que primero los ouiessem vencido, pues que no quisieron yr en pos dellos. Mas esto se entiende, si fuessen tantos los vencedores, que pudieran seguir el alcance, e non quisieron; ca seyendo pocos, que non se atreuiessen yr en pos dellos, o tan cansados, que lo non pudiessen fazer, estos atales non deuen perder su parte, de lo que los otros ganassen. E esto por dos razones. La primera, porque ellos los vencieron primeramente. La segunda, porque con el su vencimiento los vencieron los otros, veyendolos yr feridos (3) e cansados. Mas si fuesse, que los pocos venciessem a los muchos, mas por manera de espanto que por fuerça, e aquellos en fuyendo, viniessen otros que los desbaratassen, non les fallando feridos, nin cansados, estos segundos deuen auer la ganancia, e non dar parte a los primeros. Fuera ende si algunos de los que los ouiessem vencido primeramente, siguiessem todavia el alcance, ca estonce aquellos deuen auer parte en la ganancia, mas non los otros que fincassen en el campo. E todas estas cosas son, quando la batalla, o la fazienda, o la lid fuesse contra los enemigos de la Fe, o del Rey, o del Reyno.

LEY XV.—Devicto exercitu hostium fidei, aut Regis, vel regni, non est tangendum de præda intra triduum, sub pœna dupli, sed in hoc termino omnis præda congregabitur, nisi ex causa excusetur qui cepit aliquid, ita quod non potuit eam ad cumulum ducere infra dictum triduum: quod si campo devicto revertantur hostes, et eos, qui jam fuerunt victores, vincant et insequantur, et alii superveniant, qui hostes insequentes vincant, istorum erit præda, licet prius ab aliis, qui postea fugerunt, fuit acquisita; si tamen fugientes viso auxilio revertantur contra hostes, eosque tam ipsi, quam alii, qui supervenerunt, devincant, tunc inter omnes dividetur præda. Item si vincentes, fugientes hostes non insequantur, sed alii, qui supervenerunt, eos insequentes devincant, tunc istorum supervenientium erit præda, nisi forsitan primi vincentes ita pauci, et lassii essent, quod insequi non potuerunt; tunc enim partientur prædam et ipsi cum supervenientibus, qui hostes insequuti fuerunt: si tamen primi vincentes, non vi, sed terrore fugere fecerunt hostes, neque eos sunt insequuti, tunc si à supervenientibus hostes totaliter devincantur, istorum supervenientium erit præda, et non eorum qui hostes terruerunt, et insequi noluerunt; si tamen aliqui ex eis, qui terruerunt, insequuntur hostes, partem prædæ habebunt ipsi, non qui insequi noluerunt. Hoc dicit.

(1) Pechar. Adde l. is prædam, D. ad leg. Jul. pecul. ubi ponitur pœna quadrupli.

(2) En este plazo. Quia fortè instabat periculum, si tanto tempore stetit ibi exercitus, et ideò celerius dividerunt prædam, vel alibi transtulerunt.

(3) Yr feridos. Facit ad bestiam vulneratam, quam vulnerans fessus labore insequi non potuit, et alius eam cepit; vide tamen l. 20. tit. 28. 5. Partit.

LEY XVI.—Como no deuen traer a particion ninguna cosa, de lo que se ganare en las assonadas (a).

Assonada (1) tanto quiere dezir, como ayuntamiento que fazen las gentes (2), vnos contra otros, para fazerse mal: e assi como aquellas que son fechas contra los enemigos de la Fe, o del Rey, o del Reyno, son a su pro, e a su honrra; otrosi aquellas que se fazen entre los de la tierra, son a deshonorra, e a daño. E esto por muchas razones. Primeramente, que fazen pesar a Dios, tirandol aquellos que serian, para fazerle serujcio contra los enemigos de su Fe, faziendo que se maten vnos con otros. E deshonorra fazen otrosi grande a su Señor, non queriendo recibir enmienda por el, del tuerto que les fizieron, mas por fuerça lo quisieron tomar por si mismos atreuiendose en su osadia, e en su poder, e non en la justicia, que por el Rey han de auer. E sin todo esto, fazen otrosi grand daño en la tierra, tomando lo de su Señor, que ellos deuen guardar, e de otros muchos, que non les merecieron mal, porque los fazen andar pobres, e mal andantes: e de tal cosa como esta, pesa mucho a Dios. E lo estrañaron tanto los Santos Padres, que la Justicia espiritual de Santa Iglesia dio por descomulgados (3) a los que esto fiziessem. E los Antiguos, quanto a la pena temporal (4) pusieronles, que perdiessen amor del Rey, e que los echassen del Reyno, estrañandolos del (5), por el estrañamiento que ellos y metieran, faziendo y el daño, que deuen fazer en tierra de los enemigos. E sin esto touieron por derecho, que pechassen de lo suyo a siete doblo (6) la malfetria que fiziessem. E si el Rey fuesse a ellos, o otro por su mandado, e no lo quisiessen dexar, que les pudiessen matar, o prender, o tollerles quanto que ouiessem, como a enemigos conosciados del Rey, e del Reyno, en que son naturales, e donde moran; e esto sin coloña ninguna de omezillo, nin de pecho. Otrosi de los sus bienes que les fallassen en muebles, que pagassen los males que ouiessem fecho, como dicho es. E si esto non compliessen, que pudiessen luego vender las heredades, tanto dellas, que fiziessem las entregas. E los que los comprassen, que lo ouiessem seguro (7) del Rey, e de los del Reyno: e todo al que fincasse, fuesse realengo (8). E porque ouieron este fecho por muy estraño, mandaron que si acaesciesse alguna vez, que los de la assonada lidiassen, que non fuesse osado ninguno de robar, nin de partir entre si ninguna cosa, de lo que en el campo yoguiesse. Ca pues que non lo ganaran derechamente (9), non tuuieron por derecho, que lo partiessen: e pusieron por pena, que el que lo fiziesse, que lo tornasse con siete a tanto.

(a) Titulos 11 y 12, lib. 12 de la N. R.

LEY XVI.—Puniuntur quæ fiunt in assonata, seu civili dissensione pœnis lic expressis: et capta in tali bello non fiunt capiendum, neque dividuntur, sed redduntur cum septuplo. Hoc dicit.

(1) Assonada. Et qualiter debeant concludere testes deponentes contra eos, qui fecerunt assonatam, vide Alexand. 2. volum. consil. fin.

(2) Que fazen las gentes. Quot requirantur, ut dicatur gens, videtur, quod quatuor, ut in l. 1. D. de prob. ubi Glossa; sed probabilius posset dici de decem, quia nomen gentis turbam significat, secundum Bald. quem vide in l. 1. §. jus gentium, D. de just. et jur.

(3) Dieron por descomulgados. Vide in c. conjurationum, et in cap. conspirationum, 11. quæst. 1. et in c. seditiosarios, 46. dist. et vide Abb. in c. fin. de test. cogend.

(4) Pena temporal. Vide l. capitalium, §. solent, et l. si quis aliquid, §. 2. D. de pœnis, et l. 5. cum sequentibus D. ad leg. Jul. de si publico. et in l. 1. §. fin. D. ad leg. Jul. Majest. et in l. denunciamus, C. de his qui ad eccles. confug. et in l. 1. et 2. C. de seditios. et l. 11. tit. 4. lib. 4. For. LL. et l. 2. tit. 10. 7. Partit. et possunt isti puniri deprehensi in crimine seditiosis absque ordine judiciario, vide Bald. in l. fin. D. de rerum divis.

(5) Estrañandolos del. Et sic banniuntur à regno, et ponuntur extra protectionem regni.

(6) A siete doblo. Non memini legis juris communis, quæ ob hoc delictum ponat pœnam septupli, et vide hodiè de pœnis istorum, l. 1. et 2. tit. 10. lib. 4. Ordin. Regal. et quod dicit de septuplo, et duplo, sunt novenæ, ut patet in sequenti.

(7) Seguro. Sic est practica in instrumentis venditionum, quæ fiunt à Rege.

(8) Fuesse realengo. Id est, de regali dominio ob confiscationem.

(9) Derechamente. Inter prædones namque non habet locum iudicium communi dividundo, l. communi dividundo, §. inter prædones, ff. comm. dividundo, et adde l. quod autem, ff. pro socio, et quod tradunt Angel. et Joan. de Inol. de armigeris in l. illæ autem institutiones, ff. de hæredit. inst. et Angel. Aret. in §. igitur, Inst. per quas pers. nob. acquiritur.

LEY XVII.—Que en las assonadas non deve prender un ome a otro, para llevarlo a su prison; nin matarlo, despues que fuere vencido, nin destorpallo (a).

Atreuer non se deve ninguno ome, a prender a otro en assonada, para llevarlo a su prison, maguer lo tuiesse en su poder en el campo, nin le ha de cortar la cabeça, nin degollar, nin desfazer miembro ninguno, si no friendole mientras se defendiesse, nin aun despues que lo ouiesse muerto, nin tuuieron por bien que lo lastimassen, nin le tajassen, miembro ninguno. E los que contra esto fiziessem, tuuieron por derecho, que si mayores con mayores, o eguales con eguales fuessen los fazedores deste lastimamiento, que recibiessem otro tal en su cuerpo, como ellos ouiessem fecho. E si fuessem de los menores, que muriessen por ello. E si non los pudiessen auer, que perdiessen quanto que ouiessem. E estas penas pusieron a los que lidiassen; lo vno, porque se atreuian contra defendimiento del Rey; e lo al, porque se atreuian a cortar miembro, lo que ninguno non deve fazer, si non el que ouiesse lugar de Justicia. E si acaesciesse, que alguno prendiesse a otro que sea fidalgo, non le deve meter en fierros, nin en carcel, nin en cejo, nin darle otras malas prisiones, nin deshonorradas; fueras ende si fuesse su enemigo conosciado, dado por juyzio (1). E aun a este non le deve dar prison (2) de que muera por achaque della, nin deve servirse del, metien lole a fazer lavor, nin otra cosa que le non conuenga; mas si el preso no fuessè enemigo, devele dexar yr sobre su omenaje, tomándole pleyto, que non le venga mal del, por razon que lo prendio. E si esto (3) no quisiere fazer, puedele tener cerrado fasta nueue dias (4), non dándole otra pena; mas en este plazo, non le deve sacar a Señorío de otro Rey, nin fazerle redemir, nin darle otra pena ninguna, porque lo faga; nin ferirlo, nin matarlo en ninguna manera, por saña, nin por enemistad que le tuiesse, nin ante, nin estonce desquel ouiesse preso. E non le deve